



Broj: 12-22-1197/26- 2

Datum: 17.02. 2026. godine

**PROGRAM  
UTROŠKA SREDSTAVA  
„TRANSFER - POTICAJ ŠUMAMA U SKLADU SA ZAKONOM O ŠUMAMA“  
UTVRĐENIH BUDŽETOM  
SREDNJOBOSANSKOG KANTONA/KANTONA SREDIŠNJA BOSNA  
SA KRITERIJIMA RASPODJELE SREDSTAVA ZA 2026. GODINU**

**A. SVRHA PROGRAMA**

Shodno članu 54. Zakona o šumama ("Službene novine SBK": broj: 5/14; 12/15; 8/16; 7/18, 14/20 i 1/23), radi ostvarivanja općeg interesa i dugoročnih ciljeva održivog gospodarenja šumama utvrđenih šumskogospodarskim osnovama, prikupljaju se finansijska sredstva za zaštitu i unapređenje stanja postojećih i podizanja novih šuma i za ruralni razvoj. Finansijska sredstva se obezbjeđuju iz naknada po osnovu člana 54. stav 2. Zakona o šumama, te se ista u skladu sa članom 55. i članom 56. Zakona, uplaćuju kao namjenska sredstva na račun budžeta kantona. Ova sredstva obezbjeđuju se iz:

- Naknada za općekorisne funkcije šuma;
- Naknada za korištenje državnih šuma;
- Naknada za obavljanje stručnih poslova u privatnim šumama;
- Naknada za izdvajanje dijelova državnih šuma iz šumskogospodarskih područja;
- Naknada u postupku promjene namjene šuma i šumskog zemljišta (krčenja šuma);
- Naknada po osnovu zakupa državnog šumskog zemljišta;
- Naknada po osnovu uspostave prava služnosti na državnom šumskom zemljištu;
- Ostalih izvora shodno ovom Zakonu i iz drugih izvora.

Shodno članu 57. stav 2. Zakona o šumama, za iznos sredstava utvrđen budžetom kantona u tekućoj godini za te namjene, Kantonalna uprava za šumarstvo je u obavezi da pripremi program utroška sredstava.

**B. VISINA SREDSTAVA I IZVORI SREDSTAVA**

Budžetom Srednjobosanskog kantona za 2026. godinu, u članu 3. razdjel 19, glava 02, predviđen je transfer na ekonomskom kodu:

**1. Poticaj šumarstvu za državne šume i poticaj šumarstvu za privatne šume:**

- Ekonomski kod 614400- Subvencija javnim preduzećima -

    poticaj šumarstvu za državne šume u iznosu ..... 2.620.504,00 KM.

-Ekonomski kod 615400- Kapitalni transferi javnim preduzećima -



poticaj šumarstvu za državne šume u iznosu .....	1.050.000,00 KM.
<b>Ukupan iznos za državne šume:.....</b>	<b>3.670.504,00 KM.</b>
-Ekonomski kod 614500 - Subvencije neprofitnim organizacijama -	
poticaj šumarstvu za privatne šume u iznosu .....	50.000,00 KM.
<b>Sveukupno:.....</b>	<b>3.720.504,00 KM.</b>

### C. KRITERIJI ZA DODJELU SREDSTAVA

Poštujući zakonske propise o utrošku namjenskih sredstava prikupljenih po osnovu naknada za zaštitu i unapređenje stanja postojećih i podizanja novih šuma i ruralni razvoj, u okviru programa „Transfer-poticaj šumama u skladu sa Zakonom o šumama“, iz Budžeta SBK za 2026. godinu, za utvrđeni iznos sredstava finansirat/sufinansirat će se projekti, kako slijedi:

1. Nerealizovani projekti po Programu utroška sredstava u 2025. godini, po osnovu prenosa neutrošenih namjenskih sredstava u iznosu: .....2.282.893,65 KM.
  2. ZAŠTITA ŠUMA - Obnova šuma od posljedica elementarnih nepogoda - šumskih požara ..... 250.000,00 KM
    - preventivne mjere zaštite šuma od požara
    - izrada, ažuriranje i objedinjavanje planova zaštite šuma od požara
    - opremanje nadležnih službi za efikasno gašenje požara
    - osposobljavanje nadležnih službi za efikasno gašenje požara
    - sanacija opožarenih šumskih površina
  3. ZAŠTITA ŠUMA - Obnova šuma od posljedica elementarnih nepogoda - prenamnoženja insekata.....200.000,00 KM
    - preventivne mjere zaštite šuma od potkornjaka
    - represivne mjere - sanitarna sječa
    - sanacija oštećenih šumskih površina
  4. UZGAJANJE ŠUMA - Unapređenje proizvodnje šumskog reproduktivnog materijala i gospodarenje šumama od vitalnog interesa.....287.610,35 KM
    - izrada programa gospodarenja sjemenskim objektima
    - provođenje mjera zaštite sjemenskih objekata
    - izdvajanje novih sjemenskih objekata
    - saniranje stanja postojećih sjemenskih objekata crnog bora, bukve, zelene duglazije i drugih u skladu sa preporukama ovlaštene institucije
    - proizvodnja sadnog materijala sa obloženim korijenovim sistemom
    - proširenjem portfolija proizvodnje sadnog materijala
    - izrada programa gospodarenja šumama posebne namjene sa izraženom vodozaštitnom funkcijom u zonama zaštite izvorišta vode za piće Kruščica
  5. ISKORIŠTAVANJE ŠUMA ..... 500.0000,00 KM
    - izgradnja, održavanje, sanacija i modernizacija šumskih putova
  6. UREĐIVANJE ŠUMA..... 200.0000,00 KM
    - uvođenje procesa digitalizacije i razvoja sektora informacionih tehnologija
- Sveukupno (1+2+3+4+5+6)..... 3.720.504,00 KM.**

### C.1.

Odlukom Vlade SBK broj: 01-11.7-6678/25 od 12.06.2025. godine i Odlukom Vlade SBK o izmjenama i dopunama Programa utroška broj: 01-11.7-7287/25 od 10.07. 2025. godine, usvojen je Program utroška za 2025. godinu, te su u vezi sa istim delegirani projekti i nakon provedene procedure prihvaćeni i potpisani ugovori u iznosu od 2.282.893,65 KM, a koji nisu realizovani u Budžetskoj 2025. godini, te su za realizacija istih prenesena neutrošena namjenska sredstva u Budžet SBK za 2026. godinu.

### C.2.

Pojava šumskih požara katastrofalnih razmjera, uzrokovanih izrazito visokim ljetnim temperaturama i dugom sušnom periodu, postaje realnost koje nisu pošteđene ni šume Bosne i Hercegovine, samim time ni šume Srednjobosanskog kantona. Već više godina unazad, svjedočimo da mnoge ekonomski razvijenije evropske zemlje i daleko opremljenije za suzbijanje požara širih razmjera, ne uspijevaju adekvatno odgovoriti ovakvim pojavama. Slijedom navedenog, ovakvim izazovima teško da trenutno mogu adekvatno odgovoriti postojeće nadležne službe u Srednjobosanskom kantonu. U susret ovakvim pojama neminovno se nameće potreba za kontinuiranim ulaganjem u aktivnosti prevencije požara, blagovremenom otkrivanju i dojavljivanju nastanka požara, te opremanju i osposobljavanju nadležnih službi za efikasno gašenje požara u početnoj fazi nastanka požara prije nego se isti razvije u požar širih razmjera. Sistemski pristup u rješavanju ove problematike, osim uređene zakonske legislative, zahtjeva i razvijen sistem efikasnog planiranja, blagovremenog ažuriranja planskih dokumenata, kao i dosljedne primjene odredbi planskih dokumenata u praksi, kojima se na najefikasniji način prevenira pojava šumskih požara, odnosno suzbija isti prije nego što se razvije u požar širokih razmjera.

Sprovođenje zaštite od požara na području Srednjobosanskog kantona vrši se na osnovu Plana zaštite od požara Srednjobosanskog kantona, izrađenog od strane Kantonalne uprave za civilnu zaštitu i usvojenog od strane Skupštine Srednjobosanskog kantona dana 18.06.2019. godine ( Službene novine SBK broj: 8/19), planova općina i planova pravnih lica. Shodno navedenom, sprovođenje zaštite šuma od požara Srednjobosanskog kantona vrši se na osnovu plana pravnog lica korisnika državnih šuma ŠPD/ŠGD "Srednjobosanske šume"/ "Šume Središnje Bosne" d.o.o. Donji Vakuf, a shodno odredbi stava (3) člana 21. Zakona o šumama ("Službene novine SBK": broj: 5/14; 12/15; 8/16; 7/18, 14/20 i 1/23), kojim je precizirano da: „*Jedinstvene planove zaštite šuma od požara izrađuje, donosi i provodi korisnik državnih šuma u saradnji sa Ministarstvom, Kantonalnom upravom i općinskim tijelom nadležnim za poslove civilne zaštite...*“

Postojeći „Jedinstveni planovi zaštite šuma od požara...“ osim što se izrađuju pojedinačno za područje jedne općine/šumarije, po svojoj formi sadržaju i suštini u osnovi ne daju valjanu osnovu za adekvatan odgovor trenutnim prijetnjama šumskim požarima katastrofalnih razmjera, kako u smislu efikasnog i racionalnog korištenja svih raspoloživih kapaciteta korisnika šuma u aktivnostima na preveniranju pojave šumskih požara i suzbijanju istih prije nego što isti prerastu u šumske požare širih razmjera, tako i u dijelu usklađenosti navedenih planova sa Planom zaštite od požara Srednjobosanskog kantona, naročito kada su u pitanju koordinacija na nivou korisnika šuma, uključivanje nakon što su upotrebljeni svi raspoloživi kapaciteti korisnika šuma, u ispomoć dodatnih snaga (drugih vatrogasnih jedinica ili gašenje iz zraka uz upotrebu helikoptera oružanih snaga, iznajmljenih Air Tractora, kanadera i sl.). Kako je u prethodnom periodu već bilo slučajeva uključivanje helikoptera oružanih snaga u gašenje šumskih požara na području Srednjobosanskog kantona i kako su u toku završne aktivnosti Kantonalne uprave za civilnu zaštitu SBK na iznajmljivanju Air Tractora u svrhu korištenja istih za suzbijanje požara širih razmjera na području Srednjobosanskog kantona, to se nameće potreba da „Jedinstveni planovi zaštite šuma od požara“ korisnika državnih šuma, u cijelosti budu usaglašeni sa Planom zaštite od požara Srednjobosanskog kantona, izrađenog od strane Kantonalne

uprave za civilnu zaštitu SBK i u osnovi, osim koordinacije, treba da osiguraju cjelovitu razradu tehničke izvodivosti prilikom upotrebe dodatnih snaga prvenstveno kada su u pitanju lokacije za slijetanje i polijetanje i vodozahvati upotrebljivi za angažman helikoptera, Air Tractora ili kanadera i drugo, ukoliko bi došlo do upotrebe istih pri gašenju šumskih požara širih razmjera. Uvažavajući dosadašnju čestu praksu korisnika šuma da već izazvane požare unaprijed okvalifikuje požarima na „nepristupačnom i miniranom području“, pri čemu, a u svrhu izbjegavanja enormnih troškova gašenja požara, upotrebu vlastitih kapaciteta, kao i angažman dodatnih snaga u gašenju šumskih požara svodi na minimum i time gašenje požara prepušta prirodnim procesima, odnosno dolasku povoljnijih vremenskih prilika, nameće se potreba za promjenom pristupa korisnika državnih šuma u vršenju poslova zaštite šuma od požara, u smislu da shodno prednje navedenom, koriguje, ažurira i usaglasi vlastite planove sa odredbama Plana zaštite od požara Srednjobosanskog kantona, ili pristupi izradi novih planskih dokumenata, kao i objedini planske dokumente na nivou korisnika državnih šuma, kojima će se cjelovito osigurati koordinacija na nivou korisnika šuma u smislu efikasnog i racionalnog korištenja svih raspoloživih kapaciteta korisnika šuma u aktivnostima na preveniranju pojave šumskih požara i suzbijanju istih prije nego što isti prerastu u šumske požare širih razmjera, kao i uključivanje u ispomoć dodatnih snaga, nakon što su upotrebljeni svi raspoloživi kapaciteti korisnika državnih šuma.

Opožarene površine nastale u prethodnom periodu kao posljedica šumskih požara na velikim površinama, u skladu sa odredbama stava (2) člana 13. Zakona o šumama, korisnik državnih šuma u svrhu otklanjanja posljedica uzrokovanih požarom, je dužan sanirati i pošumiti u roku od dvije godine nakon izbijanja požara, te će se ovim programom osim podrške aktivnosti prevencije požara, blagovremenom otkrivanju i dojavljivanju nastanka požara, te opremanju i osposobljavanju nadležnih službi za efikasno gašenje požara u početnoj fazi nastanka požara prije nego se isti razvije u požar širih razmjera, subvencionirati i aktivnosti korisnika državnih šuma na sanaciji opožarenih šumskih površina nastalih kao posljedica izazvanih požara u posljednje dvije godine, naročito imajući u vidu da je samo tokom 2024. godine opožarena šumska površina od 963,96 ha, od čega visokih šuma 863,46 ha, sa procijenjenom direktnom štetom na šumi i šumskom zemljištu u državnom vlasništvu u iznosu od 2.590.193,58 KM.

Budući da su u dosadašnjem periodu u dostavi projekata sanacije za ovu oblast dominirali projekti sanacije i izrade protivpožarnih puteva i budući da je kroz dosadašnje plasiranje namjenskih sredstava najviše podržana oblast gradnje, sanacije i modernizacije šumske putne infrastrukture, ovaj program se ne odnosi na podršku projektima gradnje i sanacije protupožarnih puteva.

### C.3.

Pojava dugotrajnih izrazito visokih ljetnih temperatura i dugog sušnog perioda, uzrokovala je slabljenje vitalnosti šumskog drveća sa nesagledivim posljedicama na šume i šumsko zemljište, te je usljed ulančavanja ekstremnih prijetnji i nivoa štetnih posljedica u narednim godinama, teško procijeniti nivo i obim potencijalnih šteta, a što je dodatno aktualizirano aktom ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf broj: 061/1-4789/25 od 23.01.2025. godine u vezi sa pogoršanim zdravstvenim stanjem šumskih ekosistema usljed kumulativnog stresa uzrokovanog visokim temperaturama i izrazito dugim razdobljem ekstremne suše. U svrhu prevencije i saniranja trenutnog stanja, subvencionirane su aktivnosti korisnika državnih šuma kroz Program utroška namjenskih sredstava za 2025. godine, koje su prema izvještajnim podacima korisnika državnih šuma, pored ostalih preventivnih mjera zaštite, rezultirale i provođenjem sanitarnih sječa u količini od 45.073 m<sup>3</sup> krupnog drveta (četinara 41.788 m<sup>3</sup> i lišćari 3.287 m<sup>3</sup>). Ovim Programom pruža se daljnja podrška korisniku državnih šuma na provođenju daljnjih preventivnih mjera, kao i provođenju represivnih mjera - sanitarnih sječa na način i u skladu sa rokovima propisanim odredbama člana 3. i člana 5. Pravilnika

o obimu mjera uspostavljanja i održavanja šumskog reda, te o načinu njihovog provođenja (Službene novine SBK broj: 11/14).

Programom se do nivoa raspoloživih sredstava, subvencioniraju samo aktivnosti korisnika državnih šuma na sječi i izradi sanitarnih užitaka i u rokovima utvrđenim prednje navedenim Pravilnikom.

#### C.4.

Nedavno održana naučno - stručna konferencija „Šuma i klimatske promjene: očuvanje ekosistema i biodiverziteta“ u organizaciji Šumarskog fakulteta u Sarajevu i dr... ukazuje na moguće posljedice po stanje šuma uzrokovanih klimatskim promjenama, naglašavajući pri tom da u bliskoj perspektivi je realno očekivati najveće stradanje monolitnih šumskih zajednica prvenstveno čistih sastojina smrče, usljed plitke zakorjenjenosti iste i osjetljivosti na pojavu dugih sušnih perioda, kao i sve izraženiju gradaciju potkornjaka, čiji se kontinuitet očekuje i u narednom periodu u još izraženijem intenzitetu, te da je podrška očuvanju i podizanju novih mješovitih šuma strateški važna mjera u daljnjem preveniranju posljedica klimatskih promjena. Uvažavajući da su na području Srednjobosanskog kantona zastupljene značajne površine čistih šuma smrče, iz navedenih razloga daljnje usiljeno vještačko podizanje novih čistih šuma smrče od strane korisnika državnih šuma se smatra strateški neopravdano. Imajući u vidu da se podizanje istih u dosadašnjem periodu uglavnom vršilo sa sadnim materijalom bez obloženog korijenovog sistema, pri tom i neškolovanim sadnim materijalom, te imajući u vidu da se usljed prisutnih vidnih klimatskih promjena, ni proljetni ni jesenski periodi više ne smatraju povoljnim uslovima za vještačku sadnju, pogotovo sa sadnim materijalom bez obloženog korijenovog sistema i neškolovanim sadnim materijalom, to se nameće potreba za promjenom pristupa korisnika državnih šuma u smislu favorizovanja podizanja novih i očuvanja postojećih mješovitih šumskih sastojina i shodno tome proizvodnji sadnog materijala sa obloženim korijenovim sistemom i proširenjem portfolija proizvodnje sadnog materijala daleko većeg broja lišćarskih i četinarskih vrsta drveća i u količinama kojima bi se osiguralo prevođenje postojećih čistih šuma u mješovite i podizanje novih mješovitih šuma. Problematičnost načina vršenja pošumljavanja u prethodnom periodu potvrđuju i izvještajni podaci kolaudacionih komisija o ocjeni uspješnosti izvršene sadnje broj: 12-22-9933/24-47 od 01.09.2025. godine, prema kojima je od ukupno pošumljene površini od 491,54 ha, konstatovan uspjeh pošumljavanja ispod 50% na površini od 377,14 ha ili na 76,7%.

Ovim Programom u okviru opredjeljenih sredstava, subvencionirat će se aktivnosti korisnika državnih šuma na podizanju novih i očuvanju mješovitih šumskih sastojina i shodno tome proizvodnji sadnog materijala sa obloženim korijenovim sistemom i proširenjem portfolija proizvodnje sadnog materijala daleko većeg broja lišćarskih i četinarskih vrsta drveća i u količinama kojima bi se osigurao kontinuitet prevođenje postojećih čistih šuma u mješovite i podizanje novih mješovitih šuma.

Veoma bitnu pretpostavku kvalitetnoj proizvodnji sadnog materijala na prednje navedenim osnovama, predstavlja organizovana proizvodnja autohtonog sjemenskog materijala, te je u tu svrhu od strane Šumarskog fakulteta u Sarajevu kao ovlaštene institucije za redovnu kontrolu stanja sjemenskih objekata, Zapisnikom o izvršenoj kontroli broj: 01/1-3393/25 od 20.10.2025. godine, korisniku državnih šuma preporučeno provođenje uzgojno zaštitnih mjera u sjemenskim objektima kao što su: izrada programa gospodarenja sjemenskim objektima i meliorativno uređenje u skladu sa preporukama sadržanim u njima (obilježavanje sjemenski stabala i uklanjanje loših fenotipova i sl.), provođenje uobičajenih mjera zaštite sjemenskih objekata sa ciljem preventivnog djelovanja protiv štetnih agenasa, izdvajanje novih zamjenskih objekata postojećim, kao i objekata sa vrstama kod kojih do sada nisu izdvojene sjemenske sastojine, hitno saniranje stanja sjemenskih objekata crnog bora, bukve, zelene duglazije i drugih u skladu sa preporukama ovlaštene institucije.

Ovim Programom u okviru opredjeljenih sredstava, subvencionirat će se aktivnosti korisnika državnih šuma na provođenju uzgojno zaštitnih mjera u sjemenskim objektima, a u cilju osiguranja proizvodnje autohtonog zdravog sjemena, kao preduslova kvalitetnoj proizvodnji sadnog materijala.

Vlada SBK, Odlukom broj: 01-02-518/2018 od 13.07. 2018. godine, proglasila je šume posebne namjene sa izraženom vodozaštitnom funkcijom izvorišta Kruščica općina Vitez. Tačkom IV alineja 1 i 2 navedene Odluke, propisano je da korisnik državnih šuma, gospodarenje šumama navedenog područja provodi uz prethodnu izradu minimalno trogodišnjeg zasebnog programa gospodarenja šumama posebne namjene sa izraženom vodozaštitnom funkcijom, koji predstavlja osnov za osiguranje neophodnih vodnih akata i da saglasnost na isti daje nadležno kantonalno Ministarstvo poljoprivrede, vodoprivrede i šumarstva uz prethodno pribavljeno mišljenje Kantonalne uprave za šumarstvo Srednjobosanskog kantona. Kako je aktom Ministarstva broj: 06-22-1281/22 od 31.03.2022. godine data saglasnost na Program gospodarenja za period 2020-2025. godine, to je korisnik šuma u obavezi da pristupi izradi novog Programa gospodarenja za naredni period kako bi osigurao zakonit postupak gospodarenja šumama navedenim područjem. Analizirajući odredbe Programa gospodarenja za prethodni period 2020-2025. koji je rađen u sklopu Programa gospodarenja za G.J. Kruščica sa programom gospodarenja šumama posebne namjene sa izraženom vodozaštitnom funkcijom u zonama zaštite izvorišta vode za piće Kruščica, neophodno je da korisnik državnih šuma promjeni pristup u izradi navedenog Programa na način da isti izradi isključivo u skladu sa odredbama navedene Odluke Vlade, bez da isti izrađuje u sklopu drugog dokumenta, te da na novim osnovama u cijelosti razradi izbalansiran plan sa stanovišta ukupnog tretmana površina za planski period, uvažavajući pripadnost zoni sanitarne zaštite, indeks osjetljivosti tla, tehnološku klasifikaciju terena, dozvoljeni vremenski period izvođenja radova, te shodno tome uvažavajući ograničenja u skladu sa Odlukom Vlade o proglašenju šuma posebne namjene, u skladu sa Elaboratom o gospodarenju šumama u zonama sanitarne zaštite izvorišta vode Kruščica i u skladu sa dodatnim mjerama posebnih ograničenja u gospodarenju koje su propisane šumskogospodarskom osnovom za ŠGP „Lašvansko“, navedenim Programom gospodarenja definiše obim i intenzitet sječa za programski period, način sječe, način privlačenja i odvoza drvnih sortimenata i primjene obaveznih mjera zaštite, te obim i način obnove šuma za planski period.

#### C.5.

Usljed sve prisutnije pojave elementarnih nepogoda i usljed intenzivnog korištenja šumskih putnih komunikacija u svrhu gospodarenja šumama, kao i putnih komunikacija kroz naseljena ruralna područja koje se redovno koriste u prevozu drvnih sortimenata iz šume do uključivanja na mrežu javnih putnih komunikacija, devastacija postojeće putne infrastrukture svakodnevno je sve izraženija. S tim u vezi sve su prisutnija negodovanja i zahtjevi lokalnog stanovništva i lokalnih zajednica za redovnim održavanjem, saniranjem i modernizacijom istih. Uvažavajući multifunkcionalni karakter šuma i potrebu sve većeg broj interesnih grupa za pristupom šumi i korištenjem neke od funkcija šume, ovim Programom u okviru opredjeljenih sredstava nastavlja se kontinuitet izdvajanja namjenskih sredstava u svrhu podrške korisniku državnih šuma na gradnji, održavanju, sanaciji i modernizaciji putne infrastrukture kojom će se olakšati pristup šumama svim interesnim stranama.

#### C.6.

Strategijom razvoja Srednjobosanskog kantona za period 2021. - 2027. godinu, u svrhu ostvarenja strateškog cilja podrška održivom ekonomskom razvoju, utvrđeni su prioritetni ciljevi od kojih se jedan odnosi na povećanje konkurentnosti industrije kroz tehnološke inovacije i digitalizaciju. Ubrzanje procesa digitalizacije privrede i razvoja sektora informacionih tehnologija je jedan od imperativa privrednog razvoja. U tu svrhu pred sektorom šumarstva i drvne industrije u BiH stoje izazovi iznalaženja savremenih rješenja kako bi odgovorili zahtjevima EU regulatornog okvira, posebno EU Uredbe o sprečavanju krčenja i degradacije šuma (EUDR), to jest UREDBE (EU) 2023/1115 EUROPSKOG PARLAMENTA I VIJEĆA od 31. maja 2023. godine o stavljanju na raspolaganje na

tržištu Unije i izvozu iz Unije određene robe i određenih proizvoda povezanih s deforestacijom i degradacijom šuma te o stavljanju izvan snage Uredbe (EU) br. 995/2010 ( Službeni list Europske unije 9.6.2023. godine) i time smanjili postojeće korupcijske i tržišne rizike.

Ovim Programom u okviru opredjeljenih sredstava, subvencionirat će se aktivnosti korisnika državnih šuma na uvođenju procesa digitalizacije i razvoja sektora informacionih tehnologija, a svrhu povećanja konkurentnosti kroz tehnološke inovacije i digitalizaciju, kao i prevenciju postojećih korupcijskih i tržišnih rizika.

#### **D.REALIZACIJA I NADZOR:**

Budžetska sredstva prema ovom Programu mogu se dodijeliti korisniku državnih šuma, kandidovanjem projekata bez objavljivanja javnog poziva u skladu sa tačkom II.C.17,18.c i 19. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine (Službene novine F BiH broj:15/2018). Prijedlog za finansiranje kandidovanih projekata utvrđuje komisija koju svojim rješenjem imenuje direktor Kantonalne uprave za šumarstvo uz obavezno zaključivanje ugovora u vezi sa odabranim projektima. Realizacija ugovora vršit će se sukcesivno po osnovu ovjerenih periodičnih i/ili okončanih situacija o izvršenju radova shodno prethodno ostvarenom uvidu u izvršenje radova na terenu.

Nadzor nad namjenskim korištenjem navedenih sredstava kao i nad realizacijom terenskih radova, vršit će Ministarstvo poljoprivrede, vodoprivrede i šumarstva putem Kantonalne uprave za šumarstvo i Ministarstvo finansija svako u domenu vlastite nadležnosti.

Kantonalna uprava za šumarstvo SBK

